



**"Sunnet je čovjeku kada se oženi djevicom, a već kod sebe ima ženu, da kod nje provede sedam dana, a zatim počne ravnomjerno posjećivati obje. A kada se oženi već udavanom, a već kod sebe ima ženu, da kod nje provede tri dana, a zatim počne ravnomjerno provoditi vrijeme kod obiju."**

Prenosi se od Enesa, radijallahu 'anhu, da je rekao: "Sunnet je čovjeku kada se oženi djevicom, a već kod sebe ima ženu, da kod nje provede sedam dana, a zatim počne ravnomjerno posjećivati obje. A kada se oženi već udavanom, a već kod sebe ima ženu, da kod nje provede tri dana, a zatim počne ravnomjerno provoditi vrijeme kod obiju."

Ebu-Kilaba veli: "Kada bih htio, mogao bih reći da to Enes prenosi od Poslanika, sallallahu 'alejhi ve sellem."

[Vjerodostojan] [Muttefekun alejh]

Ovaj nam hadis pojašnjava jedan pritvrđeni sunnet od Poslanika, sallallahu 'alejhi ve sellem, vezan za onoga ko oženi novu ženu, a već ima jednu ili više njih. Ako je ta nova žena djevica, kod nje će muž boraviti sedam noći, a zatim će ravnomjerno raspodijeliti boravak kod ostalih. Ako je udavana, kod nje će boraviti tri noći, a poslije će raspodijeliti boravak. Ova razlika između djevice i udavane napravljena je zbog toga jer je djevica u potrebi da neko bude s njom kako bi se lakše navikla i zbog toga što joj je brak nešto novo u njenom životu, za razliku od udavane koja za tim ima manju potrebu. S druge strane, muškarac više teži djevici pa mu je Zakonodavac dao ovaj period kako bi se zadovoljio.

<https://www.sunnah.global/hadeeth/bs/show/58126>

